


大日本史

自一百六十五
至一百六十五



番外書冊


和書門類	一三二一六號	二七函	一三架	五三冊
------	--------	-----	-----	-----


內閣文庫	和書	一三二一六號	五三冊	一三八函
------	----	--------	-----	------

內閣文庫	
番號	和 13216
冊數	53 (46)
函號	138 102

文傳部

五十





大日本史卷一百六十一

列傳第八十八

權中納言從三位源光圀 修

男權中納言從三位細條 校

長谷部信連

城長茂

遠藤盛遠

平宗清

平知康

大日本史

卷一百六十一

一〇



長谷部信連右馬允為連子也東鑑為人自瞻勇
年甫十六直瀧口有僚友忿怒者其人壯健眾
不得抑制事及喧擾信連輒提拽二人不敢令
動搖掖以罷出人稱其異力又有強盜入常盤
殿殺人取財宿衛畏悞不即追捕信連挺身追
之立斬四人餘盜返擊傷頰信連遂擒獲二盜
以功仕左兵衛尉後隸以仁王治承四年王與
源賴政謀欲誅平族而事泄靜海遣檢非違使
源兼綱源光長等率兵圍第收王靜海不知端

緒起於賴政以其子兼綱置之遣中賴政因得
知變急告王遁難於園城寺事出倉卒王大驚
乃召信連告實問計信連曰事亦易辦王勿深
憂使入後閣取婦人衣裳及笠使王服之為婢
妾策夜出宮藤原宗信擔傘侍童鶴丸戴囊相
從信連乃匿婢妾歛器物王有寶笛二枚曰蟬
折曰小枝常不離身及出宮遺小枝王憇惜之
信連於後探得之追及獻之王喜乃命信連欲
偕行信連曰檢非違使等方且圍宮然無一人

警衛而恣令奴輩蹂踐王宮臣深恥之臣在王
府世之所知也人將言信連怯懦惜命逃亡諸
悉還衛宮王攬淚而別信連歸而開門待之黎
明檢非違使等圍王第兼網停馬門外光長馳
入門內大呼曰王之異圖發覺檢非違使奉宣
旨來邀王速出信連應聲曰汝等何者叨濫至
此王適微行在佗所檢非違使乃令吏卒入宮
搜索信連奮怒曰汝等庸劣騎馬入王門且使
鼠輩亂入宮中何不敬之甚也長共衝尉信連

在此來共決戰拔刀而待吏卒五十餘人譟噪

入宮信連縱橫奔擊無赦當者

盛衰記平
家物語

光長

兵有七郎安清者力兼十餘人進當之信連釋

刀迫與之搏掖安清後執刀向光長曰我獲汝

所養壯士汝欲活之來救光長懼不進信連乃

曳安清而投地氣絕復蘇

長門本平
家物語

其餘死傷

者十餘人

按死創人數盛衰記及平家物語
諸本互有異同今從山槐記東鑑信

連刀折乃跳出衛上赤手欲當敵吏卒憚其驍

勇不敢逼近放矢射之中其左股有一人執薙

刀進信連接欲奪之鏖傷右股於是吏卒相聚
膚之信連就縛大罵曰汝等田舍人甚不解事
身是靛負尉何以縲絏辱哉吾雖不被束縛豈
逃逸者耶乃送之六波羅平宗盛踞長押仲足
床上大怒曰官吏銜宣旨收王汝何為殺傷之
哉宜懸於考木鞠問王之密謀及其所在具得
情狀則速斬首信連曰吾固不知王之所如縱
令知之不復言况不知邪頃聞諸國劇賊潛入
京師窺王公第宅矯託宣旨以為剽劫吾常警

之巡行宮中今曉檢非違使等擐甲提兵未犯
王以為姦人果詐宮命因及拒闕設有姦人
群入公第詐稱宣旨幕下諸士憚於稱宣旨坐
令其肆姦計公謂之何辭氣壯烈毫無撓色侍
坐將佐相視莫不嗟異焉盛衰記平家物語 静海雅聞
其名欲後為已用赦死流伯耆日野平家物語 平族
滅後至鎌倉賴朝錄其功收為家士補安藝檢
非違使所賜能登大屋莊東鑑盛衰記 建保六
年十月終於大屋莊河原田東鑑 子孫也居能登

以長為氏盛衰記曰宗盛以信連下左獄平族
本國守護文治二年名至閑東賴朝欲傳勇士
之亂命娶由利小藤太寡婦與此略不同附于
備此以考

城長茂初名資茂鎮守府將軍平繁茂七世孫
而所謂鬼九郎資國第四子也兄曰資永初名
資藏繁茂為出羽守秋田城子孫因以氏焉
系長茂身長七尺容貌雄偉東世居越後為州
豪族國人稱白河御館王治承四年源義仲起
兵信濃養和元年六月次貝永奉命討義仲不利

引兵歸越後八月任越後守勸之以令再征玉

東鑑盛 九月中風暴率長門本平家物語曰治

任越後守其除書明年二月二十日中風暴死如後

資永因發兵就道二十五年五月廿二日中風暴死

本曰二月唯八任國六月暴死其餘諸本亦以暴死

係六月為越後守且為資永第二人蓋傳聞之說未

是春率此以資職資永為二一人蓋傳聞之說未

必可據證長門本因此等說以為差異乎盛衰

記曰資永初名資職東鑑養和元年九月三日

四郎壽永元年十月九日威細書其下曰稱城
兄資元跡不應兄弟泣四郎必有一觀之東鑑
職或作助元蓋以國音相司手由是觀之東鑑
及前似為一人不然則元或永字訛乎又按東鑑
及系圖資永第一子長茂第四子也盛衰記資

永稱太郎長茂稱二郎平家物語諸本資永稱
 太郎長茂稱四郎唯長門本云二郎長茂後改
 四郎資職一代要記養和元年六月記曰以白
 河四郎助職遣信濃其實錄及諸本白相乘背
 如是子姑據盛衰記盛衰記平家物語云
 資永率兵將赴信濃俄而天也震動有物呼天
 曰此有黨彼燒盧遮即傳乎族者其聲洪而夏
 軍士皆怖而勸留資永不聽進馬而行魏城里
 許黑雲忽覆其上資永率然而墜壽永元年九
 馬歸家而死事涉非經故不取
 月長茂驅集越後出羽騎士得四萬餘繼兄資
 長討義仲進陳橫田沼原時義仲擁騎三千餘
 在依田城聞長茂到出城邀之分軍七隊皆振
 赤旗幟長茂以為州兵來附及漸迫近北兵粹

變旗幟合軍奮擊長茂軍大驚潰投崖溺河北
 兵進而乘之長茂被創引還越後義仲追至越
 後州兵多畔長茂附義仲長茂又走會津平家
物語
按諸本平家物語皆云長茂任越
後守考諸實錄無所見余不取及乎族見誅
 滅源賴朝索捕之幽于梶原景時家賴朝與僧
 定任善長茂亦與之結以故定任屢對賴朝稱
 長茂賴朝欲赦而用之坐簾內召見僚佐班列
 左右長茂毫無早屈色進升上坐背賴朝而坐
 賴朝終無一言定任為愧懼景時比之退長茂

昂然起出文治五年賴朝征藤原泰衡景時白
賴朝曰囚虜長茂無雙勇士願將軍用之賴朝
許之長茂自陳曰今得浴洪恩幸雜行伍願竭
死力以致報効然身既為囚徒不可復揭家旗
請別賜之賴朝仍令用其家旗幟長茂悅曰我
復揭此旗故衆稍未集也既而軍至新渡戶賴
朝令諸將上其着到長茂手下有見兵二百餘
賴朝怪其多景時曰長茂初養兵數百人及其
敗走皆迸散此地近彼鄉土是所以聞其從征

而奔歸也賴朝悅賴朝薨賴家立長茂竊蓄異
謀建仁元年正月帝親上皇長茂引兵攻圍小
山朝政於三條東洞院值朝政監事在二條殿
留兵拒卻之長茂轉圍二條殿閉固四門迫詣
征閔東宣告上皇不許長茂圖事不濟逃匿吉
野鬻鬪為僧賴家索之甚急二月遂捕誅之長
茂姪小太郎資盛欲為報仇築壘於越後鳥坂
及賴家使佐佐木盛綱擊之資盛士卒殊死戰
射矢如雨盛綱兵多所殺傷資盛始名坂額雄

策多力善射業有兵略束髮如童形著服卷從
櫓上頻射發無不中敵兵多斃信濃人藤澤清
親遠城後從山上但射之貫其兩腋坂額僵因
虜之墨兵盡崩資盛奔竄清親以坂額到鎌倉
賴家召見之坂額進至簾前容貌廢醜無敢屈
色阿佐利義遠求請為妻賴家怪其詭譎義遠
曰臣無異慮第欲為國家令此婦生勇力男子
也賴家笑而許之初繁茂生而忽不見父維茂
旦悲且覓四年不能得一夕以有夢得之於狐

塚携歸于家狐化老翁來授刀及抽櫛于繁茂

世傳其刀以至長茂及資盛敗遂失所在

東鑑

遠藤盛遠父曰持遠

盛衰記作盛光諸本平家物語茂遠今從元亨釋書

為左近衛將監老而無子諸長谷寺禱焉其妻
夢鳶羽入袞感而有身遂生盛遠襁褓喪親鞠
于春木入道道善家稍長鹿橫亡賴日從鄉里
群兒搏格牛馬蹴踐田畝人患若之年十三其
族遠藤遠光為如首服命名軀幹壯犬遼悍精
武藝然有至性以幼失怙恃每與人語涕淚悲

慕盛衰以父蔭為上西門院北面又為院武者
所年十八誤殺左衛門尉源渡妻袈裟感愴懊
恨無所自容削髮為僧名文覺勤修勇猛盛暑
隆寒露卧林薄凝立飛泉難楚萬狀屢瀆於死既
而名山大川古祠淨刹無處不至草行露宿至
斷飲食居高雄山神護寺側歎梵宇頽毀欲營
繕以資父母冥福遂作化跡普募士民一日詣
法住寺殿奏請法皇方與群臣宴笙歌鼎沸無
為通者日時不得報文覺大怒以為左右挑沮

徑進宮闈大聲讀疏宮中驚騷換非違使平資
行叱而遂之文覺以疏軸擊其首突胸倒之北
面士噪而進者十許人文覺左手持疏右手執
懷中小刀踊躍擬之法皇惶遽罷坐兵衛尉公
朝姓謂文覺曰有詔汝宜亟去不去將執汝對
曰吾嘗謂蒙皇家資給得成至願者志不果生
亦何為法捨身固我所耳寧以頸血污殿庭決
不能去願之濟否一在聖裁放聲棘言慢罵法
皇安藤武者右宗進而捕之文覺刺右宗臂右

州曰北史卷之二十一
宗持而不釋衛士群聚縛之遂下廷尉獄日放
惡言呪咀朝家遭赦而出然不少屈撓憤然譏
刺無所顧悼事聞朝廷敕伊豆守源仲綱執之
流于伊豆過遠江天龍灘大風暴發舟幾覆舟
中人號哭文覺吟嘯自如高枕而臥舟人固請
禱襍文覺起而大呼曰此是文覺門衆也放請
龍神衛護復更風止舟人羅拜以為神文覺臨
發自誓曰我志可遂是行不死不然神奪我命
不食二十一日言笑如常既至伊豆居奈古屋

寺自稱善相人遠近頗歸嚮前右兵衛佐源賴
朝亦謫在伊豆雅欲見之使足立盛長以文覺
弟子相照通意過而見焉文覺隔障而坐瞋目
不語久之卒然謂曰嗚呼吾子非故下野殿子
乎流落至此實可憊焉俄起禮接曰我嘗周流
四方見所謂源氏者皆不足成大事今幸見公
心操平穩具將師器固引漢高楚項之所以興
亡以激勵由右昔源平拱把天下兵權而源氏
中衰平家獨得志大政入道采運投機專擅威

柄罪惡貫盈天命人心既去如嫡子重盛才略
邁人不幸蚤薨其餘碌碌無可當國我相人多
矣休咎之徵若指諸掌而相之極貴莫公之者
者公首唱義舉復舊讎雪前耻古謂天與弗取
及受其咎時至不行反受其殃請速斬焉賴朝
心甚喜之然慮彼狡諂適為身累不散披瀝情
實唯唯遂謝文覺悟其意懷中出一枯髀陽稱
義朝首曰我在獄日盜而藏之使我不遭流竄
公豈得覩先公哉因潸然泣下賴朝意頗疑焉

然聞其言嗚咽歎歎文覺從容謂賴朝曰我嘗
欲修葺神護寺未果公佗日得志庶幾有成賴
朝曰身為羈囚安敢及此文覺曰公誠能興大
事請院宣不難我能為公辦之乃急赴福原就
院近臣前右兵衛督藤原光能請院宣還謂賴
朝曰公欲得院宣先置莊園于神護寺賴朝曰
事若成雖郡國亦唯師之所欲文覺取筆令書
丹波播磨土佐膏腴地十三所永為寺田而後
出院宣示之賴朝遂決意舉兵

乎家物語盛衰
記諸本平家

志或賴朝亦潛合謀故使為之英託院宣以固其

護寺欲藉賴朝遂其才謀故假託院宣以固其

窺側而其偽斷可知也愚管鉤曰也傳光能偽

稱法皇意使文覺勸賴朝起兵繆矣文覺陰察

時勢託言法皇據之則當時已有此說而及大

將軍府建佑寵市勢頗弄威權明月遂修神護

寺窮極土木盛衰記元又修東寺賴朝禮重日

隆元亨釋書平族既滅北條時政至京師索平氏子

孫亡匿者維盛子六代被執當斬文覺營救得

免盛衰記平家物語資性傲狼至老不悛身在山林謗

訕朝政時後鳥羽帝喜佚遊怠政事帝兄守貞

親王有時譽文覺竊欲廢立然以賴朝在不敢

發正治元年賴朝薨文覺陰圖不軌事洩涼子

佐渡盛衰記平家物語文覺踴躍大罵

曰我已老憊餘喘無幾借如有罪奈何不放近

境而棄遂遐陬我死為崇迎越杖冠者于此帝

幼好擊毬故為是言盛衰記平家物語按二書

義時見遷隱收文覺之靈數見帝文語以徵文

覺所言據編年記百鍊鈔文覺流于佐渡二書

妄誕傳會竟不食而死時年八十八坂本平家

長者補仕曰建仁二年十二月二十五日敕召
還文覺而諸書無所見且以其流係建久九年
五月與百鍊鈔等書不合今不取之也有鎌倉
書牒號涉神中有文覺遺賴家書論禱祀無益
諫政獵口無度務使進忠良退奸邪到切精當純
以文覺氣有之足為監戒然考諸書正治元
年正月賴朝薨賴家嗣職三月文覺流于佐渡
賴家雖無道不應居喪遊獵詞旨多有不合蓋
後久託名所為故今不取

平宗清稱彌乎左衛門諸本平治物語其作彌平兵衛今從東鑑盛衰

記貞盛八世孫左衛門尉李宗子也系仁平賴

盛及賴盛為尾張守以宗清為目代永曆元年

源義朝伏誅其子朝長死賴朝亡宗清自尾張

入京師路遇賴朝就而禽之至青墓驛堀朝長

墓獲其首併送六波羅清盛囚賴朝於宗清家

宗清遇賴朝甚厚因密告曰君不欲免乎賴朝

曰父兄皆歿唯存我存焉冀為僧祈冥福故特

求活耳宗清曰尾州母池禪尼者大貳之後母

也大貳孝奉至厚尼性仁慈前問僕曰賴朝如

何人僕對容姿肖故右馬助尾聞之甚悲信君

若憑之請託庶有萬一右馬助者池尼所生先

歿宗清至池尼許告以賴朝之意尼感傷不能

堪即使重盛說清盛而得免死平治物語賴朝深德

之及起兵每遣兵十必誠將士莫害宗清長門本平

家物語平族西奔宗清從賴盛留京師賴朝勢

日振益思池尼之志欲招致賴盛及宗清於鎌

倉宗清不欲行賴盛強之宗清曰公雖獨無憂

而闔宗皆漂落于西海每思之日夜悲憤公若

為之倡義請充前驅此行雖不用宗清而何闕

之有敢辭賴盛有羞色曰家事咸以委卿或有

不可何故無一言宗清曰去留在公何妄可否

之人無貴賤誰不愛其身賴朝昔既萬死故得

有今日宗清嘗有德於賴朝今往相見則必有

重賞而不愧于西海諸公子僚友乎公既留京

師則其招難拒公至鎌倉賴朝必問宗清請為

辭以疾既而宗清送賴盛至近江野路而辭去

盛豪記平直往屋島仕宗盛鍊賴朝欲召見宗

清予之莊園豫書充文備鞍馬絹帛以俟其至

又命將士二十人各以鞍馬驥馬及絹帛贈宗

清已而賴盛至鎌倉曰宗清以疾不來賴朝不

喜盛衰復召宗清知其竟不來大為遺憾以其

所擬給物悉贈賴盛東鑑平氏亡宗清道不知所

終案拓植氏家譜曰平氏亡宗清避地伊賀山

甲郡二植指一邑盛長勸宗清構室而居焉宗清

氏然東鑑等書無所見且考平氏系圖拓植宗

蓋清少納言平信實子而非李宗子也

乎知康仕左衛門權少尉兼攝北邊使稱壹岐

判官事後白河法皇嘗掘鼓也呼曰鼓判官輕

佻好詭譎法皇寵昵之永曆元年源義仲入京

師不戢其下兵士日突入坊市縱行剽掠士民

失望怨讟沸騰法皇遣知康戒救義仲受詔不

敬熟視知康曰世謂子鼓判官豈為人所搆乎

何故得此名知康大慙志不置對而歸奏曰不

除此賊京師不得安靜宜急徵兵討之法皇素

惡義仲所為聞言深然之倉卒定計不復與廷

臣議乃命知康為都頭就法住寺修戰備詔座

主明雲長史圓慧徵發延曆園城兩寺僧兵餘

皆市井無賴乞丐之徒應募而至者二萬餘人

掛諸佛畫像於宮四垣以為厭勝見者知其必
敗知康踞床抽矢然幹轉告曰我以一發穿賊
頸矣義仲兵薄宮門知康左執金剛鈴右持鉞
登垣翔舞嬉笑遂見義仲大罵曰古者讀宣旨
則枯木吐榮飛鳥自墮今雖叔世而天命未改
汝何為者擬戈至尊義仲大唾麾兵而前時北
風猛烈義仲兵乘風縱火炎焰灼天知康望見
大恐氣魄頹喪踰垣而走予猶持鈴鏘鏘有聲
義仲兵大呼曰持鈴者首謀也衆競赴之知康

狼狽棄鈴逃去衆索不習戟又失都頭遂大奔
潰無一人當敵者宮嬪廷臣多為亂兵所辱人
追咎知康狂妄激變誤國敗事檢非違使橘公
朝左衛門尉藤原持成之鎌倉告難賴朝曰儻
義仲罪在不赦則宜令賴朝致討今輕因知康
言開此大鬻宮闈震驚大損國體夫義仲奕世
武將固非北面之徒所能攘臂也不敗何為知
康以兵端起已懼為賴朝所譴欲詭說免咎之
鎌倉賴朝惡其為人久不得見知康詣侍所附

出入者請通謁莫敢顧者通賴朝隔簾窺之以
鼓授于一萬曰是矢也善擊鼓汝宜以此予彼
使盡其枚一萬如教知康佞媚無耻欣然許之
坐立俯仰極盡醜態滿坐大笑後賴朝見之知
康美間陳義仲始末賴朝岸然不答知康愧而
退不復歸京師遂留居鎌倉感衰至賴家時稍
得親昵專以巧佞逢迎取其悅嘗陪宴席乘醉
調北條時連曰五郎容儀進退超人又遠而其
名甚不稱時連之連者貫錢貨之義乎何鄙根

也將追歌仙貫之蹤乎宜速改之賴家母政子
捨聞其惡至是益不憚曰知康京師亡虜不足
齒之從耳而不知可自愧恃恩慢人義仲之難
職由此虜也一敗不懲又黨義經是以先君惡
之奏奪所帶官其人但詐非可近者而今遺其
瑕疵使之廁良家大乖先君之雅志也及賴家
見廢狎客皆得罪知康不得居鎌倉復還京師

去東

大日本史卷一百六十一終

Faint vertical text columns, likely bleed-through from the reverse side of the page.

大日本史卷一百六十二

列傳第八十九

權中納言從三位源光圀 修

男權中納言從三位細條 校

藤原公繼

藤原忠信

藤原宗行

源有雅

藤原光親

藤原範茂

藤原信能

藤原朝俊

三浦胤義

大江親廣

藤原秀康

山田重忠

鏡久綱

大日仁科盛遠

宮崎定範

大内惟信

兼久之變王室隆替之機安危盛衰之所繫也
以萬乘蒞匹夫名正言順勢如拉狐兔而北條
義時逞其姦雄狼顧虎視以肆吞噬三院播遷
廢立由其願措開闢以來未有之禍也唐文宗
制於家奴自謂不如周赧漢獻然猶未至幽辱
如斯之甚跡其所由皆後鳥羽上皇不能端本
正源而輕佻佳兵之所致也問罪藁於廢寵興

戎煽於忿狃義時之格詔抗師上皇自取之也
矧當是時輔弼乏救時之才將師匪敵愾之器
所與為謀者皆阨怯吳懦之後宜其稔禍速亂
而一敗塗地也然一二臣士有能竭其力者謹
直規諫者有矣見危授命者有矣或去逆而效
順或自私以徂公雖所趨不同而勤勞王事則
一也書曰火炎焮罔玉石俱焚遭時不競橫罹
鋒鏑共職無貳分之攸宜咸加撰錄為之傳也
藤原公繼左大臣實定第三子壽永二年為侍

從公即神任幼而聰慧年十一謁右大臣藤原兼實

時諸鄉滿座公繼彈琵琶又聯句不經思而成

兼實即出扇令書之筆迹可觀兼實嘆異贈以

琵琶海王建久中任參議叙從三位累遷建永元

年進正二位尋兼左近衛大將任內大臣建曆

元年轉右大臣補右近衛大將藤原公經以妻

故與此條義時親善及後鳥羽上皇謀討義時

欲先殺公經公繼度事不成諫曰是舉臣未見

其可也未嘗義仲悖慢後白何帝不勝赫怒命

壹岐判官知康討之王師失利官闕流血僅當時命賴朝圖之於滅義仲何難之有而廟筭不知出此輕遽舉事以辱天威此近時明驗也所謂葦原國者以形似也西國其尖而東國圓濶處也關東兵士百倍官軍今不料彼此之力遽加天誅殆非計也况公經廷臣制命在我就雖有罪徐議之可也今疑其與關東交通急行誅戮彼之生死固非有損益于關東第恐開釁致寇由是速矣陛下宜留聖慮上皇雖不憚納其

言不殺公經其後王師敗績果如公經之言久義

記元仁元年任左大臣明年叙從一位安貞元

年薨年五十三禰野宮補任公繼幼其母抱詣

相者曰此兒當為一上其母詭曰兒父為士如

何為一上相者曰者父為士必為檢非遣使然

如吾所見則大臣相也終如其言著聞子實基


寬元四年任內大臣建長五年為大政大臣文

永二年薨補任

藤原忠信內大臣信清子以後鳥羽上皇外戚

特為上皇被親任妹適源實朝一時趨附歷侍
從左近衛少將中將兼藏人頭累遷為權中納
言兼左右衛門督建保六年任權大納言叙正
二位補兼久三年上皇討北條氏忠信與參議
藤原信能將兵守芋洗渡王師敗北條氏求延
臣預討伐謀者執送六波羅千葉胤綱押至遠
江舞澤實朝故婦哀訖政子特釋之滅死流越
後薙髮為僧東鑑美久記
藤原宗行左大辨行隆子累官至左大辨藏人

頭任參議建保六年為權中納言補兼久三年
以預謀盡執送六波羅自請薙染至遠江菊河
題逆旅狂曰昔南陽縣菊水汲下流而延齡今
東海道菊河宿西岬而失命至駿河藍津原被
斬年四十七東鑑美久記
源有雅參議雅賢子任右近衛中將兼藏人頭
遷參議兼右兵衛督檢非違使別當建曆二年
為權中納言補兼久三年與藤原範茂將兵守
宇治王師敗執送六波羅小笠原長清押至甲



斐船積將刑有雅以與政子有好乞性命請待
報就死長清不許斬之時年四十六會報至宥
之有雅已斬人皆憐焉東鑑義久記

藤原光親權中納言光雅子累歷左右中辨兼

藏人頭遷參議兼右兵衛督檢非違使別當建

曆二年拜權中納言尋兼陸奥出羽按察使補任

家世業儒北條氏之討也力諫其不可書教十

上上皇不聽光親不得已作詔書罪狀義時及

王師敗執送六波羅武田信光押至駿河加右

坂斬之時年四十六泰時見其諫跡甚悔殺之

東鑑義久記

藤原範茂前末子頭範季子年十四以父蔭補

藏人以修明門院同產特被親寵歷左近衛中

將藏人頭仕參議補任與權中納言源有雅將兵

守宇治王師敗執送六波羅北條朝時押至足

柄山將行刑謂守者曰我聞五體不具者不能

成佛請沈水終命朝時許之置石湛溪流投之

而死東鑑義久記

藤原信能權中納言能保子歷左近衛中將藏
人頭任參議補任將兵守芋洗渡王師敗執送六
波羅遠山景朝押至美濃遠山斬之東鑑久記
能弟僧尊長亦預軍事從大納言藤原忠信守
芋洗軍敗東鑑匿延曆寺被執而斬東鑑
藤原朝俊歷官右衛門佐王師赴宇治朝俊拜
辭奏上皇曰皇軍得利褒創歸報儻賊勢猖獗
臣徇死以報治埃及軍敗八田知尚佐佐木氏
綱寺奉以為將戰于河序皆殲朝俊大呼赴敵

戰死東鑑久記

三浦胤義稱平九郎歷任右兵衛左衛門尉授
檢非違使世稱平判官系嘗有憾于北條義時
及番直京師代則至而不歸是時上皇將討義
時思得將師幹事者怪胤義久留京師命能登
守藤原秀康探其情秀康夜密扣胤義置酒從
容問其意胤義曰僕妻故右大將親臣一品坊
昌寬女也初義故左衛門督殿恩生一男子在
襁褓為義時所殺妻冤痛之甚常曰不欲舉面

向義時僕亮其情實為可恨是以不肯歸爾秀
康察其可說微露上皇之意胤義奮髯曰天子
欲誅逆臣海內臣民誰敢違者且僕兄義村關
東豪族素多兵馬許以事成之日授日本總追
捕使則彼當踴躍奉命僕亦私遺書勸之意當
不相外秀康入奏之上皇甚喜決策集兵欲召
京師守護職藤原光季大江親廣胤義曰親廣
當應命光季義時妻兄也必不來矣不如并召
而誅不至者上皇從之光季果不奉救胤義與

秀康師兵擊役之

記

既而義村逐胤義之使

而不納勸義時以逆謀及東軍犯京師官軍逆
拒于尾張川胤義與秀康將兵一萬守摩免戶
既而聞大井戶敗欲赴救秀康懼甚曰東軍衆
勝而進其鋒不可當繞出吾後腹背受敵是危
道也我面義廟葺如尾張川失利則宜退守宇
治勢多敕諭丁寧違之不可鞭馬而去胤義孤
軍不能進遂引兵而還朝議重名遣將士於諸
道胤義又與秀康等赴供御瀨東軍追北而長

驅宇治勢多官軍大敗胤義等同潰而歸欲奏
軍狀于上皇官門闔不得入東鑑曰胤義等奏
棟塞臣等自分無所逃死面引兵出于東寺與
佐原族遇胤義兵避而不擊佐原景吉師麾下
進擊胤義叱之曰汝何不存宗黨之好手乃命
男太郎兵衛尉名次郎兵衛尉胤連等擊之景
吉敗走安房人安西アノイノキ神餘兵未攻胤義決死搏
鬪戰數合部下兵士死亡畧盡獨與長子太郎
兵衛尉走東山胤義毒在太秦欲往投之至夜

島東軍邀街路父子潛匿叢祠中欲俟昏而過
遇故兵為僧者告曰天野政景兵克塞前後恐
不能脫祇取辱而已太郎兵衛尉聞之先自殺
胤義謂僧曰子持我父子首去使妻見之而後
送于駿河守告之曰家兄殄滅親屬自莫手足
顧當快于心遂自殺僧如其言義村傳其首於
北條氏義久記胤義子在東國者五人皆劫勒于
祖母矣部尼家義時以胤義為罪首命義村悉
殺之矢部尼匿季子豐王丸不出因得免餘子

皆斬美久記

大江親廣大膳大失廣元子也任右近衛將監
民部少輔叙後五位下歷遠江守遷武藏守美
久元年源實朝被赦追悼不已薙髮法名蓮何
與檢非違使藤原光季為京畿守護東鑑上皇討
義時患親廣光季問三浦胤義對曰親廣召即
應光季度必拒命上皇託城南寺流鎗馬光石
親廣不悟從五十餘騎而來上皇親問曰汝為
義時耶將為朝廷耶去就決於朕前親廣窮蹙

對曰願勒王即於坐徵誓書美久記東軍逼宇治

勢多與藤原秀康前下總守中條盛綱拒之于

食渡兵敗遁去東鑑美久記

藤原秀康本姓和田氏外祖大和守秀宗養為
子冒藤原氏任能登守為西面上皇將討義時
使秀康勸誘三浦胤義胤義勤王上皇意遂決
北條泰時犯京師王師邀之於尾張河河有九
瀨分為九軍拒東山東海二道秀康中條盛綱
與胤義赴摩免戶當東海道東兵破大炊渡胤

義盛綱欲往救之秀康素恒怯揚言曰大炊渡
既破則東山道賊軍鼓行進斷我軍後雖欲
求脫其可得乎且上皇前有誥尾張河不守退
守宇治勢多諸君議非是乃棄軍歸京師諸將
雖忿激以上皇親臣眾所瞻依不能違相率而
遁市脇鴉沼官軍亦聞之潰走東兵逼近畿朝
議防宇治勢多秀康又與流義盛綱率萬餘騎
守食渡又敗與弟河內守秀澄逃匿河內搜捕
被斬東鑑久記

山田重忠鎮守府將軍源滿政後泉大郎重滿
子也稱二郎世家于美濃養和元年重滿從源
行家與平維盛重衡戰于洲股河軍敗被擒北
條氏之討也重忠應詔與藤原秀澄守洲股東
兵破大炊渡諸將望風崩潰重忠獨慷慨曰安
有蒙命征討不發一矢而歸者乎率九十餘騎
留河序與北條泰時戰彊弓叢射敵兵多墜水
不能進既而磨集重忠引退一騎追急重忠跋
馬與之合陷坑相搏麾下末救扶去官軍防宇

治勢多重忠又率延曆寺僧兵二千餘騎赴勢
多撤橋板固守力戰敵將北條時房歛軍而退
泰時犯守治王師敗績重忠不能獨支同諸將
引兵而還上皇戒門者不納曰任汝所之重忠
叩扉大詬曰噫為懦士被誤飲恨而死馳入嵯
峨山敵兵來逼子伊豆守重繼僧伊豫坊從重
繼禦戰中矢被禽重忠竟自裁東鑑美久記
鏡久綱佐々木定重之子系為右衛門尉隸藤
原秀康赴摩免戶秀康聞火炊渡敗遁去久綱

注姓名於旗上與毛利季光戰衆寡不敵不能
支歎曰與懦怯秀康偕不能展力剪命也天

自殺東鑑美久記

仁科盛遠鎮守府將軍平貞盛之裔世居信濃
嘗以宿禰挈兒詣熊野路遇上皇挈兒謁見上
皇見其清婉愛之命為西面盛遠喜榮寵從至
京師留侍衛北條義時怒曰彼關東之役屬何
得恣咫尺仙洞乎乃沒采邑上皇敕令還之義
時不奉詔遂有討伐之議盛遠與官崎定範糟

大日本史卷一百六十二

谷有久守北陸道盛遠軍礪並山守黑坂有久

軍志雄兵敗東鑑盛遠戰死系圖

宮崎定範兼久記作親任左衛門尉將官軍守

北陸道也市降淨士扼蒲原之險敵將北條朝

時以討破之定範敗走東鑑

大内惟信修理大夫惟義子也為帶刀長系圖元

久中叔父朝惟見誅于京師惟信代補伊賀伊

勢守護東鑑任左衛門尉為檢非違使上皇討藤

原光李惟信與諸將率官兵誅之與糟谷有久

等將二千餘騎守大炊渡東軍武田信光絕流

徑進鋒甚銳官軍不利惟信敗走東鑑竄系圖

比叡山為僧改名成願寬喜二年發覺索捕處

流系圖明記云孫氏治始為廷臣子孫稱竹内系圖

諸家

大日本史卷一百六十二終

大日本史卷一百六十二

大日本史卷一百六十三

大日本史卷一百六十三
（Faint bleed-through text from the reverse side of the page is visible in this section.)

大日本史卷一百六十三

列傳第九十

權中納言從三位源光圀 修

男權中納言從三位綱條 校

藤原道平

藤原藤房 弟季房

藤原俊基

源具行

平成輔

大日本史卷一百六十三

卷之一百六十三

藤原資朝

寬元義義久播蕩百度弛廢之餘莫有敢所更
張舉天下之政唯北條氏之所為雖號為無事
然愉惰萎靡日甚一日傳至教世陵替極矣當
此之時縉紳世家之士深以前禍為戒箝口歛
息尸祿充位規規焉屑屑焉僅修故事請舊典
而已故其行事無可錄者焉及元弘赫然震怒
讓方命之罪也在廷臣僚一時奮從或參廟謨
或任方面各效其能自夫勇將猛卒以至祝史

僧徒踊躍鼓舞所在並起與共殄滅大憝致統
一之治惜乎帝掃蕩之功有餘善後之策不足
遂致南業之變使統緒不斷纒如一絨詩曰無
不有始鮮克有終豈不信乎然公鄉將士終始
奉戴不以榮瘁渝其志者誠為可貴也忠列于
此其節義誠列彪炳簡策則彼朝秦暮楚視其
所事者可以少媿矣

藤原道平閔白兼基長子也公鄉補任家稱二

條永仁中為侍從任左近衛少將轉中將叙從

大日本史卷之一百六十三

三位拜權中納言正安元年遷權大納言進正
二位乾元二年兼右近衛大將藤原實家班舊
在其下俄為準大臣道平惠之因辭職閉門不
朝德治初起為左近衛大將拜內大臣既而辭
大將延慶二年為右大臣正和兼皇太子傳
轉左大臣從一位為閔白氏長者賜牛車兵仗
尋辭左大臣神任一代要後醍醐帝即位辭閔
白嘉曆二年復任閔白元德二年罷元弘末車
駕在伯耆詔以道平復為左大臣神任長者皇記

按增鏡曰帝歸京覽神任為元亨三駕還
為氏長者今不採

京師召道平議還官儀所言稱旨令與右大臣

藤原經忠參輔政事不復置閔白異本太平記

道平專總萬機蓋誤建武元年再兼皇太子傳辭內覽氏

長者兼兵部卿二月薨神任皇年四十八補任

十九年據神任前文推稱後光明照院分脈撰

續三代作二子良基良忠良基自有傳良忠事

關分藤原藤房初名惟房尊早權大納言宣房之長

大日本史 卷之百六十三

子事後醍醐帝任左大辨歷參議至權中納言

兼左兵衛督檢非違使別當叙正二位公鄉神

系元弘元年北條高時遣兵將謀不軌兵部卿

護良親王夜馳人上變藤房及弟李房大納言

藤原師賢宿直帝召與議藤房曰事急矣宜疾

出宮裝車如婦人所乘載帝及神皇陽稱中官

行啓北山第出陽明門比抵鳥羽尊良親王及

公鄉數人追至帝更御竹輿增鏡作大膳大夫

重康藏人判官清藤姓二人樂工豐原兼秋隨身

泰久武等昇之藤房等皆微服從入南都遂至

笠置增鏡大年記清藤歛夜襲行宮放火烟燄

四塞風雨適甚諸王公卿迷道相失唯藤房與

師賢權中納言源具行師賢具行杖帝晝伏夜

行帝步履大艱三日僅至有玉山增鏡作臣主

饑羸倚樹困卧有露墜御衣帝詠歌曰佐志氏

由久加佐岐能夜麻遠伊氏志與利阿迷加志

多珥波加久禮加毛奈志藤房亦詠歌曰伊加

珥世年多能牟加計斗氏多知與禮波奈保曾

大日本史 卷之百六十三

凶奴羅須麻豆能志多豆由深須某松井某索
帝而至藤房望見欲自殺帝方諭止之盛色顧
深須曰汝等何不戴天思以期私榮深須心欲
脫帝而憚松井在後不果遂執帝及藤房源具
行等而去帝御六波羅南方北條高時縱藤房
及左近衛少將源忠顯侍焉二年高時流藤房
于常陸三年高時伏誅藤房歸京師時四方已
平乃敕權中納言藤原實世論恢復之賞將士
爭奉功狀集者數萬率多詐昌軍功實世不能

辨別經旬月僅得銓定二十餘人尋復以所考
渝濫見從收奪救藤房代掌其事藤房乃訪察
勤惰甄別真偽擬授畧備向內特降者多所思
賜藤房知不可諫上病不朝帝更以民部卿藤
原光經代之光經移問諸將領參驗軍士勲薄
將欲經奏行下而內旨又以北條高時邑充供
御科大佛貞直邑給準后藤原氏北條泰家邑
賜征夷大將軍護良親王其餘分賜衛府諸司
官闔寺院歌舞雜伎之徒殆無遺地有功將士

虛手主者依違而已初帝久憂勞于外恢復之始方銳意於政事郁芳門外置記錄所新決所論理雜訢天下漸無事帝以為無復可憂遂深居禁中以聲色自娛內寵左右專受請託蔽塞聰明以逞其姦其以巧佞勢財者雖窮虜降首超復非望以功勞自居者多淹滯不達有司徒充位給唯諾而已適有所論定即內旨多改易不復由所司主者不得論執是以每相為予指或授一邑者同時數人各爭其全相紛拏大為

擾動天下復思亂矣

太子記

有作匿名書歷誅時

政者首竹綸旨繆濫

建武二年記

建武元年群臣奏

內中逼窳百官異司同局不合帝王制度乃命營建大內支費大廣徵諸國地頭租入二十分一而不足也乃更作鈔鑄錢以助用度又起馬場殿于二條高倉車駕屢臨遊宴之次觀騎射以為樂出雲守護監治高負獻千里馬形相黑常朝出本州暮到京師帝大悅納左馬寮呼為天馬嘗幸馬場殿問內大臣藤原公賢曰天馬

之由來之前聞屬當朕世不求而至其應為何
公賢歷徵故事以讚時瑞群臣稱賀藤房後至
帝又問之對曰臣聞周穆愛八駿而政衰漢文
光武却千里馬而國昌二者取舍之蹤治亂之
效可以見矣天馬之出於聖朝臣愚固不足以
知其應何在然竊謂是蓋由時多批政天將生
尤物以蕩其心者也何則方今海甫定民夷未
愈此當執政吐哺諫臣抗疏撫卹疾苦悞贊化
理之秋而百辟殿僚河諛取容媼綴成風國家

安危置而不問臣請粗陳其一二陛下聿察之
嚮者播湯之日天下軍士爭先赴義者其志在
於建勲邀賞以圖榮富幸屬澄清人思蒙霈澤
群集闕下日造記錄所新決所各上其切狀其
始戶庭殆乎為市懸首喁望俟恩命下其陳告
書疏委積成推而主者不時決遣已而賞典所
及非近倖寵臣則其參佐僚屬凡有功將士概
遺叙錄則填寃缺望雖既投狀者不復待報相
率散歸鄉里竊歎時政柱盤恨有司不公者不

知其幾千人也然衆人徒視諸訢日減以為虞
苟訟正無為所化何其惑也陛下謀議之臣已
無深謀遠慮可為國安收人心顧盛興不急之
功役倍課郡縣賦入亂後兵農重困誅求乃至
諸國則國司兼權使目代賤吏憑恃其勢豪棄
貞應以後新建莊園在廳官人檢非違使健兒
所等擅張威福而守護懷失職之歎如家人之
號源賴朝分置每國以來相承有年乃建聖世
削不得稱焉將門士類降伍編氓怨豈少哉足

利尊氏新田義貞楠正成赤松圓心名和長年
等同功一體固莫相後先矣然圓心一人徧前
所恩補守護職僅賜本領一所不知圓心所負
何事陛下遇彼之如此也古云賞中其功則有
忠者進罰當其罪有咎者退今之從政不啻賞
罰失當將得綸旨有翻覆之譏焉陛下之政如
斯而此馬適至以臣觀之是殆昭亂階懼非祥
瑞天德之流行速於置郵而傳命聖政所覃何
須此物第恐異日武人中有英雄起乘朝綱之

弛挾覲覲之心而天下不逞之徒荷糧雲集則
此馬適足以為軍國告急之資也伏願裁玩物
之志而務普施之化帝大不悅而罷後屢上言
不聽藤房謂為臣之道於我盡矣二年冬因夜
侍御前諷以比干夷齊事至曉而退即却還車
從入北山岩藏為僧太平記 按藤房為僧太平
記為云月令從公卿神任
歷代
皇紀帝大驚命宣房索之將再任用宣房馳人
召之藤房以歌答曰奈珥右斗能宇羅夜麻志
佐珥加倍詠倍幾奈珥阿利斗氏毛伊斗比古

曾世迷宜房乃親馳至岩藏則藤房既去矣書
歌障子曰須美須津流夜麻遠宇歧余能比斗
斗波波阿羅志夜珥波能麻豆珥古多倍牟傍
又書棄恩入無為真實報恩者及白頭整斷萬
重山曠却恩波盡底孰不是胸中藏五逆出家
端的報親難太平記異
本太平記後村上帝時有牧童詣
藤原實世門曰晨往西郊有僧貌悴要我致此
書書中有歌曰幾美加須牟夜斗能阿多利遠
幾氏美禮波牟加志珥奴羅須須美曾迷能曾

此乃藤房所書也實世急入朝以聞詔諸閑吏
物色求之弗得也新田義助自越前詣芳野言
家臣畑時能曾入經就問之僧更質時能名徐
而答曰負道東方人也讀經不復言其面肖藤
房也義助乃與少將藤原行實急詣庵所僧不
復在石上書歌曰古々毛麻多宇岐余能比斗
能斗比久禮波曾羅由久久毛珥夜斗毛斗迷
此年行實認其藤房午跡也遍索竟無所見云
吉野拾遺按異本太平記曰藤房為僧
號佩山子周遊諸州如土左如慶而設初足利

尊氏之反救遣人乘天馬召新田義貞於尾張
半道騎殺之如藤房之言
太平記按禪林諸祖
傳以妙心寺二祖為

藤房它無所
見蓄誣謬耳

弟李房任參議兼右大辨中官亮
藤原系
圖補任及駕

幸笠置後藤原中宮匿野宮側尋削髮出而就

遠
按太平記為秀房被虜
于笠置今從補任增鏡
為敵所遷于常陸遇

害而死
太平記
子仲房
周太平曆

藤原俊基大學頭種範之子對策及第任左近

衛將監少納言大内記正中元年補藏人頭
藤原

系圖藏人補任此家世業儒才學優長將得寵春與中

納言藤原資朝共參興復之謀以其安劇不暇

每思得屏居以營盡大事會延曆寺狀訴事後

基故謨讀狀中楞字為慢衆目笑曰相从木目

彼人亦讀為木耶俊基為羞色稱疾不朝半歲

竊裝為修驗者歷徇畿內關東海西要害風俗

無不觀憲太平記按增鏡曰俊基辨四紀伊浴區易療疾而編歷諸州既而

事世北條高時虜致俊基藤原資朝屬待所使

吏舉狀鞠問其為無禮講俊基曰兵革之事縉

紳所不関至如無禮講不知亦為何名我儒官

有暇招僧玄慧為文禮講無乃傳聞誤之耶本異

太平記明年高時釋歸之增鏡太平記元弘元年累進

右中辨辨官補任及僧又觀忠圓虜於鎌倉具告朝

廷之謀北條高時又使人收俊基後基走匿禁

中兵士闌入執之增鏡太平記送鎌倉俊基自知不

免至菊川題驛舍柱曰以珥志信毛加如流多

迷志遠岐玖加波能於奈志奈如禮珥美遠夜

志豆迷牟蓋弔中納言藤原宗行為北條氏所

殺此地也太平記以宗行為克親及明年帝西

幸被殺于葛原常樂記按大平記以臨死作

偈曰右來一句無死無生萬里雲盡長江水清

適其臣後藤助光齋俊基妻書自京師至刑所

流涕訣別更火其屍齋書葬于高野山大手記

俊孝俊業系圖女稱辨内侍善倭歌歷仕後醍醐

帝後村上帝新葉集告

源具行從二位師行之子系圖公正安文保間

歷右近衛中將補任後醍醐帝在潛邸異行持被

親近即位賜以所幸官女累官權中納言叙從

二位增鏡太平帝謀誅北條高時命具行密調

發兵士事敗車駕出幸南都具行追扈至笠置

與僧良忠議發詔徵諸國兵笠置箱與大納言

藤原師賢權中納言藤原藤房杖帝而逃北條

高時執囚具行增鏡太平明年六月命佐佐木高

氏殺之於近江柏原臨命索視書句曰道遠生

死四十二年山河一革天地洞然增鏡太平

按太平記四十二年作四十二年

年今推補任改從異本太平記

平成輔光明寺藏書權中納言惟輔之子歷中

宮亮藏人頭任參議兼治部卿彈正大弼進正

三位藤原系圖帝謀誅北條高時大判事中原

章房諫之帝密命成輔殺之成輔乃募刺客刺

之太平記異及幸笠置六波羅捕成輔按太平記云成

輔及笠置陶就捨今從殺之於相模早河系圖

增鏡光明寺藏書殘篇補仕常樂記相模作伊豆增鏡作駿河子行系圖

藤原資朝權大納言俊光之子家號日野官歷

文章博士藏人頭右中辨左兵衛督元亨元年

任參議三年叙從三位為檢非違使別當奉敕

使鎌倉選為權中納言藤原系圖帝密圖興復

以資朝及藏人頭藤原俊基為謀首太平記嘗裝

為修驗者潛行東國以結兵士增鏡美濃人士岐

賴貞多治見國長名勇資朝夤緣得見會賴貞

國長番直京師資朝欲引為同謀而慮不聽則

事泄乃與俊基及大納言藤原師賢中納言藤

原隆資左衛門督藤原資世僧游雅玄基一作源

武人是助重範等數延賴貞國長深相吏驩每

會衆皆露髻散髮坐無位次令婦女二十餘人

著單紗衣以行酒名為無禮講宴語欵熟終以

計苦之賴貞等傾心相謀又恐外議召僧玄慧

說唐韓昌黎集至赴潮州詩衆咸曰是不祥之

言當世但當講孫吳罷之太平事洩北條高時

遣人收資朝及俊基以至鎌倉屬侍所異本太平記云

物長碕尋流佐渡居七年帝幸隱岐高時令佐

渡守護木間山城入道某殺資朝補任增鏡常

按太平記以資朝被殺資朝嘗學佛參禪自稱

和翁臨死作偈曰五蘊假成形四大今歸空將

首當白刃截斷一陣風太平記按假成形異木

作四大木無主五蘊本東空初正和中權大納

言藤原為兼以謀危北條氏為高時所執遷佐

渡資朝遇之于一條瞻送而嘆曰大丈夫處世

得如斯固足矣羨嗟久之嘗與內大臣藤原實

衡上直會西大寺僧靜然入朝實衡望見其腰


背曲僂眉毛皓然有起敬之色資朝曰彼老疲

耳敬何哉他日緹老狗皮毛悴落者贈實衡曰

此物亦有可敬之資矣又嘗愛盆樹多聚條幹
盤屈者以于庭上一日適出避而于東寺門
下見側有丐兒數人率多癯殘跛躄之類資朝
以為其奇貌異狀可愛也注視又之覺其醜穢
可厭固謂世所謂奇怪皆物之及其性而終不
如平易正直之可尚也吾頃聞所愛盆樹輪困
離詭者與此支體不具之丐兒何辨比還家悉
拔所植而棄之蓋其志操卓然不徇隨世之好
憎也如此徒然三子朝光邦光僧慈俊系邦光

自有傳

大日本史卷一百六十三終



大日本史卷一百六十四

列傳第九十一

權中納言從三位源光圀 修

男權中納言從三位綱條

藤原師賢

子家賢 孫長親

信賢 長賢

藤原隆資

子隆俊

藤原實世

藤原師賢內大臣師信之子也家稱葦山院事
花園帝為參議兼左大辨後醍醐帝即位拜權

大日本史卷之四十四

中納言聽帶叙兼中宮權大夫左衛門督彈正
尹陞正二位大納言公鄉補任藤原系圖帝圖誅北條高
時師賢首領焉太平記元弘元年遜居北山及六
波羅執僧圓觀右中辨藤原俊基等朝廷騷恐
師賢乃復出仕新集既而北條高時遣兵將遷
帝帝聞之與師賢及權中納言藤原藤房夜出
禁中至三條河原命師賢著襄龍衣乘御輿權
中納言藤原隆資左近衛中將藤原為明源定
平翼從誅為帝以適延曆寺圖殺敵兵也僧徒

奉迎衛護甚謹居之西塔敵兵未攻僧徒拒破
之既而議以本院為行在衆悉來集會風揚輿
簾見師賢衰衣而坐也愕然始知見欺相率而
去即夜師賢與隆資等遁如笠置太平記笠置
陷與藤房源具行杖帝奔出路相失就虜固薩
髮號索負補任增鏡新葉集按太平記明年夏
北條高時遣之千葉内千葉貞胤家有人慰其
遠行者乃詠歌答之曰和加流斗毛奈珂加奈
計加牟岐美須麻氏宇政布流佐斗斗奈禮流

大日本史卷之四十四 二

美夜古遠師賢少好學不以榮辱經心其在流
所每想及君事涕泣不措自誦曰主憂則臣辱
主辱則臣死今日何時俎醢輾裂非所患也時
時諷詠自遣十月病薨增鏡常樂記太平記贈太
政大臣謚曰文貞公初師賢之東行也臨訣贈
香夫人藤原氏曰燒之必夢覩我夫人如其言
每有所見云夫人名師子善倭歌新葉集異本太平記二
子長家賢次信賢

家賢事後醍醐帝為侍從尋事光明院為參議

補任正平六年詣行在太平記尋復仕崇光院為權

中納言至二十一年再詣行在為大納言歷內

大臣右近衛大將明德四年薨于嵯峨號妙光

寺新葉集常樂記三子長親長賢僧元要

長親有文學仕中納言兼文章博士陞大納言

右近衛大將新葉集剃髮法名明魏字子晉號耕

雲山人住南禪寺禪柄院學倭歌於宗良親王

深得師法新後拾遺集新續古今多收其歌所

著有仙源抄耕雲口傳摘題和歌集新葉集仙源抄

常樂長賢為權中納言元要人明求法新葉集常樂記系圖

信賢官大納言一女亦善倭歌新葉集常樂記系圖

藤原隆資左近衛中將隆實之子也家稱四條

隆實早卒祖父權大納言隆顯養為子任權中

納言為搃非違使別當公卿補任藤原北條高系圖大曆

時構逆帝潛出闕避之隆資追及扈馬大平記

至三條河原從大納言藤原師賢往延曆寺事

敗走笠置太平記及笠置陷為僧逃匿事平還京

師詔養髮復官增鏡補任延元元年足利尊氏犯關

隆資從幸延曆寺將兵出陣男山與左近衛中

將新田義貞刻期夾攻京師約先至者奉火為

號會白河民家失火隆資望煙以謂官兵入京

師乃率三千餘人倉皇面進攻東寺與高師直

戰敗之士率奮進放火燒樓櫓敵兵力拒隆資

敗退義貞繼至亦大敗尋行在陷隆資走紀伊


後詰吉野帝崩與權大納言藤原實世輔佐幼

主專決諸事會刑部卿賜屋義助至自金碕帝

殊如寵異實世於稠坐言曰義助敗哉前退美

濃無所措躬而後奔投朝廷乃厚賞獎豈與乎
維盛敗歸以陞位級異也隆資曰彼之敗歟固
雖天未祐王室抑亦朝廷指置失當之所致不
得獨歸咎于彼也右之命將禮之甚重其在軍
世事不從中制專任責成得三軍之士唯將令
之聽故能得克敵平國也乃者北國之役軍士
每有所訢不須將之指揮直取朝裁而行在侍
從之臣微勞必酬唯恐不及軍供告乏不復暇
給甚則近臣指請北軍戰勝之地隨請隨予使

將權日輕士心日恣是皆取敗之道而非戰之
罪也天意昭鑒前失殊因其朝而勞之昔者孟
明視西乞術白乙丙伐鄭敗歸秦穆自引咎不
問三子由此觀之朝廷處義助允合時宜實世
默然正平四年楠正行拒高師直子四條隆
資將兵三千二十據異本太平記陳飯盛山以麻糸敵軍既
而正行戰死師直襲行在隆資奉帝避之賀名
生太平記叙從一位拜大納言國太曆補仕系圖七年從
幸男山官軍不利帝御馬兼夜南歸敵兵追急



隆資返戰死之

補任太平記系圖

贈九大臣

新華集李花集

子隆景隆章隆任隆俊隆保

尊早今取

隆俊任近衛少將

太平記不審左右

後拜大納言正平

八年統諸將兵會山名時氏攻復京師足利義

詮以後光嚴院東走尋大集兵返擊時氏引退

伯耆隆俊亦以諸軍退

園大曆太平記

十年又與山名

時氏師諸將攻足利義詮于神南不利退還十

五年足利義詮率畠山國清兵來攻隆俊以三

千人陣最初峯與楠正儀相控援畠山義深以

三萬餘人來攻隆俊軍將伊勢守監谷某

異本太平

記作伊豆守

引兵佯退龍門山敵悉軍追之至險隘

士卒如東監谷令軍士乘高亂射躬自兄衆督

戰敵軍潰走二十餘町畧城載路監谷馬傷顛

墜岸下為敵所殺畠山義熙又以七千人來攻

會湯川莊司某及大和守越智某

大和守據異本太平記

並叛出降隆俊走保阿瀨河城十六年與細川

清氏攻京師克之尋引還

太平記

文中二年出兵

天野夜襲敵營不克死之

院管三代記後深心白托鳩嶺推事

記

藤原實世公賢之子也元亨元德間歷參議至

權中納言兼左衛門督檢非違使別當授正三

位尊早分脈園太曆及帝幸南都北條仲時北

條時益執實世因於佐佐木貞知家補任增鏡

書殘篇按太平記執實光嚴院命沒其官增鏡尋

也為生置階被今不取縱還繫於公賢家補任及柔與還京實世出迎

於播磨書寫山悉復其官爵補任奉敕論恢復

將士功事詳藤原藤房傳中太平建武元年兼

東宮權大夫大學頭補任園太二年從大智院

宮忠房親王東征足利尊氏明年軍還將兵二

萬餘人與鎮守府大將軍源顯家等討尊氏於

京師走之太平以功進正二位補任今脈園

兼尾張守補任足利尊氏再犯京師實世從幸延

曆寺又將兵與權大納言藤原師基討尊氏敗

還會帝聽尊氏和將歸京師實世急遣使告狀

新田義貞義貞論奏功至帝即以皇太子屬義

貞太平敕實世輔焉神皇正即從赴越前居全

碓城及城陷奔至吉野太平記拜權大納言兼右

近衛大將補任今脈園大後村上帝即位年尚

幼實世與權中納言隆資參決機務足利直義

已降下議廷臣實世建言夫車駕播越百僚流

離十餘年於今皆彼兇豎所為今為其僕所圖

窮迫乞命蓋欲藉天戒以快私讎耳宜乘機誅

殺以絕後患矣左大臣藤原師基等以為直義

歸降宇內方一之期至矣帝遂納之直義尋復

叙太平後任左大臣今脈園大遷從一位補正

平十三年八月病薨時年五十一補任園太子

公行今脈園大

大日本史卷一百六十四終

大日本史卷一百六十五

列傳第九十二

權中納言從三位源光圀 修

男權中納言從三位綱條 校

源親房

從子顯信 顯能 顯時

源親房具平親王之後大納言師重之子也家

稱中院或北畠北畠系圖永仁元年叙從四位下歷

左少辨參議右近衛中將補檢非違使別當拜

大納言兼淳和學兩院別當陸奥出羽按察

便叙正二位補任為世良親王傳元德二年世

良薨親房悼甚因剃髮號宗玄增鏡補任親房歷事

五朝素有時望也其罷官退居愈謂朝家為悻

異本太元弘二年準大臣薩戒記應永三十一日徐

叙從一位新葉集元弘日記表書今三年冬親

房子顯家為陸奧守奉義良親王出鎮陸奧出

羽親房輔之神皇正統記後還京師按開城書正統記

日記裏書不日親房元弘中往陸奧而正統記

曰延元初禿兵与義良親王還京師然開城書

曰愚身上洛之後顯家禿陸奧據之則親及足

利尊氏討北條時行或告其抱異志帝始疑尊

氏將誅之親房與中納言藤原公明諫曰足利

尊氏功大而罪未著不可遽加顯誅也請姑察

其勤息帝喜納之欲遣使喻旨使未逮往而尊

氏遂反自此後州郡分裂王室日衰矣太平延

元元年足利尊氏犯京師親房從幸延曆寺太平

記冬帝納尊氏降還京師親房走于伊勢異本

記三年顯家戰死安部野結城宗廣奏請重遣

親王鎮陸奧詔以親房子顯信為陸奧及鎮守

府大將軍奉義良親王往鎮親房又為之輔宗

廣等從焉正統記元弘日海上遇大風與親王

及顯信相失親房舩漂至常陸内海乃依小田

治久于小田城招緝東北諸國親王及顯信還

至伊勢會帝崩親王即位是為後村上帝興國

元年顯信至陸奥鎮白河城正統記元弘日記

結城文書時帝猶幼冲不能親政事親房遙奏令權

大納言藤原實世權中納言藤原隆資總括機

務從之太平記四年夏高師冬率大兵來攻小田

城築寨山上相逼親房出兵擊而敗之請援于

陸奥結城親朝親朝宗廣子也宗廣死親朝密

通于足利尊氏以故不時遣援相持數月治久

亦殺降于高師冬親房乃走保關城源顯時奔

下妻保大寶城高師冬列兵屯于兩城間親房

顯時出擊敗之師冬令士卒運艸填濠更募礦

夫鑿地道俄而士崩夫皆壓死敵又樹重柵於

城下城兵出爭之悉拔其柵敵更築長圍為時

久之計親房數請援於親朝手書懇到曉諭百

端親朝不果結城文書城中益困明年春又贈書曰

太夏與賊相持小田城守拒良苦所柳惟在貴

境之兵飛檄連連乞前得報書聽出兵相救終

至竹冬而治久畏懦遂殺附于賊移動之後又

且三月前後九月未見一人相援也形勢益蹙

率伍益減窘可知矣方今坂東官軍所保下妻

真壁中郡西明寺伊佐關六城耳而關城宗祐

一身奔走守備粗全按宗祐蓋關城守將之名而其經缺今不可考正

負法起此而賊圍已久漕驛路絕不得白晝出行

兵罷糧乏賣馬鬻甲以過且夕炊骨易子之患

復將至也下妻則正負幼冲其下爭權頭時朝

臣奉宇津峯親王宇津峯結城文書或作埋峯親王名關蓋中務卿尊良親

王之子也說已見子後醍醐皇子傳撫馭士卒雖畧安戢然浮言

不已亂遂將內發真壁則法超雖躬勵志節而

舉族離或或潛通于賊中郡頭時朝臣僅分差

部下守之兵已單弱加之儲蓄日匱不可恃焉

西明寺地勢隔絕風息且不可開以上五城危

如燕巢幕唯伊佐以行朝朝臣按行朝朝族伊達氏親朝族人見

大日本史 卷之一百六十五

建武二年紀及結城文書 忠義不撓可以保堅守然木城下

妻失守則恐孤城勢難支也足下向以兵寡難
出征為辭故累書云足下若不能親至則觀兵
于國界亦足以張聲援也是而猶不臬聽軍情
爭得不困沮邪夫戰危事變在呼吸援之不時
及雖則多何為哉况賊屯兵于府踰年力竭糧
乏更過旬月城兵悉為肆中枯魚矣常此時注
以江海亦何所益也往者贈一位在鎮之日
聞賊發把決而起見兵無幾疾驅赴難踐千里

而建大功及再入援也則人懷危疑道值梗塞
破于國府危于靈山遂乃轉鬪抵畿內如其倉
卒喪命天實使然非戰之罪也忠孝之道即無
憾矣由北觀之兵之發不發在志之至不至足
下儻能奮然分乎兵以見赴則伊達以西郡縣
豈無響應者邪今日事勢急如星火某所願瞬
息之頃不喪所持以餘命報先皇也大義著心
死而後休鳥之將死其鳴也哀人之將死其言
也善恐再信難續敢盡言之夫我國者天祖經

大日本史 卷之一百六十五 五

始之地日神統領之州聖聖相義所歷九十五
代誓及無窮不容違越九圖不軌者旋踵殄滅
尊氏何為者罪惡貫盈未之前聞而盜據中原
已七年矣何其幸也在昔逆臣如平將門六年
而滅安倍貞任十二年而夷則彼之顛擠天將
有待而發也自古大姦宄徒所以能得保首領
於歲月之間誠以其智勇有遇衆也彼則非有
僅度遠畧可以庇其子孫而家奴師直憑藉虎
威陵轢世家將種跡其兇虐實浮乎前日高時

之事也所謂世家本皆王臣保元乎治以來降
隸源平之家美久之後又降屬陪臣北條氏觀
爾家譜豈不心愧方今遭逢聖運再興不啻本
領如舊親義綸言崇朝爵際會如此乃貪利愛
死同逆屈節可謂文武之道掃也矣復何顏面
見祖先於地丁哉曩袒秀卿朝臣夙著勲于國
後世子孫屹為名流如平清盛源賴朝論門閥
豈遽出其右邪及其奉王命指麾將師及頰首
服事之雖窮不得止是豈其所樂是以上野公

朝臣圖賴一統以振家聲忠慨中發推誠上下
使人至今不能忘也親光朝臣相續死節足下
父子為其嫡流當繼前志以耀後昆而更懷依
違觀望之計乃祖之神其將怒且罰也近者所
在小人群集浮議或曰宜堅守城壁歛鋒養力
察天下形勢尊氏乘勝爭及時降附門戶可保
或曰設使關東諸城失守據奧州之險足以延
歲月窺賊之失利徐起而圖其後大功可成也
或曰興廢之際有命存焉宜熟慮得失須時而

動也如贈一位忠雖固大勲業不遂覆轍在近
可以鑒焉想足下亦豈惑此說乎雖親房親故
或教持此議以危子所為而况於其他踈遠人
士乎是固不足為意然有害于大義不得不辨
也予家出自皇族世會昇平所習朝儀典章至
於遠遠兵革之事素所不諳宜乎其處置求方
不足服人也顧身為前朝遺老奉今上于閭閻
受顧命于彌留方據孤城以控八州恐一旦隕
命四方解體賊又來時侵寇奧州忠義惡得不

潰殺且三位中將出鎮三年未能建功資性淺
劣傍無輔翼而衆情反反危疑之甚如抱薪而
寢于火上也親房死後可與濟事者誰今日足
下有異圖則已矣欲全忠貞豈無遠慮具天叟
臨鬼神有靈惟為天下言非放愛餘命也關城書
親朝又辭以兵寡親房遣僧宣宗往命顯信來
救且諭親朝殺其子弟從之親朝不聽遂叛降
于足利氏親房棄城走歸吉野關城書裏書正
繼城文書
平五年足利直義上書謝罪請歸須延議不決

親房奏宜納之帝從其言六年敕準三官聽輦

入宮太平記常樂記按太平記以親房
為皇后之父他無所見今不取七年帝

御男山遺兵討走足利義詮乃使親房及子顯

能先入京師總決諸事太平記九年四月薨于賀

名生常樂記所著有職原抄東家秘傳元元集古

今集註世以其博洽與藤原宣房源定房併稱

為俊三關城書裏書曰以行
官州造任除無倫作職原抄上之然

與其所跋職原抄異故不採嘗讀宋人司馬光資治通鑑於

大義有所尺素方帝即位行在親房深嘆中

大日本書紀卷之百五十五

興不終皇統堊絕乃推本皇祖建國之意著神
皇正統紀上起于神代終于興國初揭皇統於
已微以明神器之有歸其明微扶正誠有合春
秋遺旨云正統子曰顯家顯信顯能顯雄系顯
家自有傳

顯信任少將左右不詳稱春日少將太平記延元

元年帝在花山院顯信起兵伊勢力竊奏請圖起

復三條景繁亦以扈駕將士逃還舉義為言帝

固韋吉野保曆間三年春從兄顯家與土岐

賴遠戰于青野原破之顯家進陣埤浦顯信據

男山高師直攻殺顯家遂圍顯信左近衛少將

源持定等來援顯信出擊之有利太平記元弘

相持數月高師直遣間大石清水神祠城中騷

擾敵兵乘之競登城兵松山九郎多力而怯股

慄不能戰高木十郎按刀瞋目曰城將陷矣汝

不能出鬪我寧交刺死耳松山乃起抱巨名亂

投十餘敵潰退墜崖谷死者相枕城因得不陷

時人曰松山雖有力高木實用之太平時資糧

燒盡山下授兵亦皆敗走顯信遂棄城走河内

太平記院家雜文尋轉近衛中將左右不詳兼陸奥公鎮

守府大將軍與親房奉義良親王往鎮陸奥會

海風暴發顯信與義良親王舩漂到伊勢篠島

親王遂還行在太平記正統記元弘帝崩遺敕

顯信圖恢復太平記興國元年之鎮居白河城攻

足利基氏將高師冬于下總野城師冬火城而

逃元弘日記裏書結城文書四年高師冬圍親房於關城親

房遣使命顯信率結城親朝子弟來救親朝擁

之不遣明年關城陷親房奔歸吉野顯信與宇

津峯親王留房陸奥正平七年吉良奥家結城

朝常等發兵來攻顯信奔還吉野關城書裏書

馬家傳結城系圖任中納言十四年從征西將軍懷良

親王討少貳賴尚于筑前大原戰没北畠系圖

子曰信親曰守親曰親統系圖守親為伊勢國司

任大納言子曰親能其子孫在陸奥出羽者稱

波固氏襲國司號系圖新葉集

顯能或曰源貞平之子親房子養之北畠系圖任中

日本書紀卷之百六十一

納言吉野拾遺為伊勢國司太平記正平六年

兼右近衛大將園太七年春率伊賀伊勢兵三

千餘至四天王寺行營與和田正忠楠正儀分

道討足利義詮遂復京師太平記以崇光院至

男山行宮太平記從親房入京師參決諸

務園太平記既而義詮大兵東逼頭能退守淀又

退保男山太平記義詮兵犯行營頭能防戰園殿

口歎火民屋烟燄四蔽頭能不能戰而退園太平

遂從駕歸吉野行日尋還伊勢土岐賴康

園仁木義長子長野城頭能屢出兵擊之太平記

本書誤作伊勢國司頭信據諸書及太平記後

任右大臣叙一品準三官薨系園案諸書二子

曰頭俊曰頭泰並任權大納言頭泰之子滿雅

任大納言為國司正長元年奉後龜山帝皇子

小倉宮起兵伊勢與世保持賴戰敗死椿葉記

頭能孫子繁行世襲伊勢國司南伊勢五郡大

和守多郡紀伊熊野皆受制國司養兵一萬六

千人所謂本造田丸大河内坂内岩内藤方大

日本書紀卷之百六十一

坂阿坂波瀨八下諸氏皆其族也北島系圖

顯統親房之從子也系圖正平初任左中辨兼左

近衛少將顯統木後龜山帝朝為春宮大夫五百

番歌集新葉註職原抄傳于世子曰雅

持系圖


顯時親房之從子也凡圖從親房子小田城為

高師冬所圍顯時率兵出擊殺傷居多小田城

陷顯時奉宇津峯親王走下妻保大寶城閩城書結

城文仕後龜山帝官至中納言稱令泉中納言

閩城書子顯光系圖



大日本史卷一百六十五終



九
百
六
十
七

